

A PAR TAGE VOR DI OASTARN DI KHINDAR HÅM ÅGEHEFT ZO BORÓATASE ZOA AUZOLEGA DI ÖALA

Djukhan in di öala

Le mamme cuocevano le uova sode avvolgendo nelle foglie di cipolla e erbe primaverili, il guscio si tingeva di colori con sfumature mai uguali fra loro. Bambini e adulti assieme per un gioco senza tempo, dove l'adulto era l'attore mentre il bambino era proponente e spettatore che sperava nel fallimento del tiro per aumentare il premio.

In tage von Oastarmenta hattma hèrt augelekk di öala, ummaz odar meararne o, zoa drinn zo macha djukhan di palânke in eltern laüt. Aniagladar gevelatar schuzz hatt varlert an sóldo vor 'z khinn boda hatt augelekk 'z öale. Balda 'z mentsch hatt gevånk 'z öale un di palânsa iz dringestånt, hattzen gehalitet 'z öale un hattzen gemak èzzan o. Di mämme hâm ågeheft tang pellar zo boróata di öala un hâmar hèrt gesotet meararne, sa hâmse innagemacht in di löapar von tschovölln un augemischt pinn vriscian gresar von länges zoa azza vången schümmene varm. Di khindar hâm nèt gesek di ur az khemm menta un di groazan soinda gestånt gearn zo spila. Vor di groazan iz nèt gest lai a spil ma a verega gara un hâmda gehaltet umbia zo vånga 'z öale pellar baz åndre. Di öala soin khent augelekk untar inar maur odar lai attn bege, ma hèrta geradeau, azza soin umgevallt odar umgekheart hattmase augeredart, 'z iz nèt gest dëstar vången 'z öala un drinn machanda stian di palânsa, ma 'z soinda gest verege kampiù bodaz hâm getrofft in earst stroach.

Vil vert hâmsa gevånk 'z öale attna sait un hâm vortgesklest di schèrp, odar sa hâmsa gevånk malaméntar un di palânsa iz nèt drinngestånt un asò 'z öale izze vil schupàrt ke 'z berat nimmarméär gest guat zèzza, balda iz vürkhent ditza hattma ågeheft vo naügom un 'z khinn patru von öale hatten gehalitet alle di sólde von gevelatn schüzz. Asò izta vorgånt in kontentèza dar tages pitt tschelln, vraütn un nachparn alle pittnåndar.

b. n. motze



Archivio Motze

A hirn, zboa zungen

Imparare una seconda lingua può richiedere molto sforzo e tempo se fatto da adulti mentre per i bambini, e soprattutto per quelli sotti ai 3 anni, l'acquisizione di più lingue è del tutto spontanea: tutto ciò dipende dall'emisfero cerebrale che viene utilizzato.

Alle boazpar ke lirnen meararne zungen in khindarn tüatz gerècht: ma pensàrt ke sa bartnen khemmen guat vor soi zukunft; zo venna a guata arbat, zo giana ummar pa bèlt odar zo studjära pezzar. Sichar alle dise sachandar soin bar. Ma da peste hilfe khint nèt mörng ma est, in khopf von khindarn.

Vil libadar vo "neuroscienze" khön defatì ke, azma lirnt meararne zungen fin atti drai djar nützpar da rècht sait von hirn boda iz no bahémme; laise laise, pinn djardar, di zboa toaln von hirn hevan à zo reda pittnåndar un da tschenk sait khint sterchar, machante vorlìarn dar åndar bia ma tüat zo lirna di zungen. 'Z iz peng ditza ke vo groaz iz malaméntar lirnen a naüga zung, 'z hirn iz neméar alenårt vor ditza un nützt di sait atta tschenk, machante fadige un seguitårente zo konfrontårse pittar gekhennatn zung, att d'åndar sait. Ditzu barntmaz pittar pronuncia odar pittar grammatica.

Vor di khindar iz gántz åndarst, se lirnen allz daz sèll bosa höarn ummar, intânto azza spiln odar azza lesan, singante an kantzù odar schaugante à di televisióng. Vor se iz nèt bichte ren hèrta djüst, odar spiegàrn di regln: di zung khint gelirnt nà un nà un steat inn in khopf von khinn fin balz detzidart zo nützase. Azta di khindar höarn vil zungen vo khulumma di pronuncia vo dise zungen bart hèrta stian inn in hirn; asò mabar höarn laüt boda ren gerècht a naüga zung lai umbrómm sa hâmse gehöärt balsa soin gest khulumma. In ta' vo häut habar vil tecnologie un mang åhevan zo nützase gerècht vor ünsarne sün o, machanten höarn meararne zungen, redanten zuar azpe biar un lesanten au vil libadar. Ditzu bol bart khemmen a guatz sachan vor se, vor üs un vor ünsar zung un kultûr o!

Giada von Galèn

D'ünsar provintziàl un redjonàl autonomì mocht schaung å hèrt a mearar zuar in Euregio

Negli ultimi anni l'Euroregione Trentino-SüdTirol-Tirol ha sicuramente fatto dei passi avanti decisi verso un suo consolidamento e riconoscimento. Il futuro dell'autonomia trentina e sudtirolese passerà per il futuro dell'Euregio?

Da gántz Redjóng Trentino-SüdTirol iz hèrt a gest an earde boda hatt gehatt oiròpische burtzan. I pin hèrt a gest in disan hüml zo flattra vonar sait aft d'åndra un hân gesek gian vort un khearn bidrúmm sovl laüt ke dar mak njânska gloa. Zérte hâm geredet belesch, zérte taütsch, zérte åndre azpe biar, odar ladin, solàndro un bërsntolerisch o. Alle dise laüt hâm hèrt gelebet azpe tschelln, seânska azza hâm geredet åndre zungen. I, boda da uantzege zung bode hân hèrt gehöärt vo djung aubart iz gest dar vispl vo moinar mämme un vo moin tatta, hân gelirnt ren umbrómm i pin hèrt a gántz z'schauga, lugårt, di sbemmaren vo Lusérn.

Ploaze vo dise soin gánt zo vuaz in di statt zo vorkhóava sbemm un hâm geredet belesch. Un biavl mânneun un baibar soin gánt in auzlânt z'arbata, redante azpe biar! (Di altrum hâm hèrt kontärt ke, an lestn, di österraichar, di schvaitzar un di frantzésan hâmse hèrt a vorstânt). I gedenkhmar o di taütschan boda soin khent zo leba atz Lusérn; ettlane soin gest lerer, odar faffan, odar lai mânneun un baibar bodase soin borât pitt lusérnar. Ditzu, in an stroach, iz gest eppaz normâl in da gántz redjóng boda, in di sèlln djar, iz gest a toal earde gehoazt Tirol.

Biar, trianar un südtirolar, soin hèrt a gest vor di Oiröpa. Bar hâm hèrt

Dar Nachtvogel

Istituto Cimbro
Kulturinstitut Lusérn
Tel. 0464-78.96.45
info@kil.lusern.it
www.istitutocimbro.it



BIA BÈSLTA A ZUNG BALMAR REDET MEARARNE PITTNÅNDAR IN GELÄICH PLATZ?

VinKo Varietà in Contatto

Il Progetto VinKo - Varietà in Contatto vuole valorizzare e studiare i dialetti e le lingue minoritarie del Veneto e del Trentino/Alto-Adige, attraverso l'elaborazione dei dati raccolti tramite registrazioni audio dei parlanti. Partecipa anche tu!

Bar bizzanz, khânen meararne zungen iz bichte: 'z helft ünsarn hirn zo arbata pezzar un bahémme, 'z helftaz atti arbat, 'z helftaz zo machanaz vorstian redante pitt laüt boda nèt khânen da ünsar zung un helftaz vor vil vil åndarz o. Allz ditzu khint vür nèt lai azpar khânen a zung boda nützun vil laüt ma azpar ren an dialékt odar a mindarhitzung o; pròprio dise zungen khemmen untersucht von universitèn vo Bèrn, Tria un Poatzan pittnan projèkt boda hoazt **VinKo - Varietà in contatto**. Dar projèkt zo gibortet 'z djar 2014, iz toal von groaz prodjèkt europèo ATHEME un süächt zu vorstiana bia di zungen pintnse fra se, bia sa bëksln balda meararne zungen khemmen geredet in geläich platz un o bazta mage bëksln un baz nèt vonar zung.

Z'segà allz ditzu **di studjös hâm mengl vo üs**: allz daz sèll boma mocht tüan iz auzvülln a vorschpiüacle online atti sait <https://www.vinko.it>, dar bartet vennen dèstre börtar (azpe: *rosso, anno, giocare*), sètz (azpe: *Non gli ho mai chiesto quanti anni ha*) un a khurtza stördja (boda heft à asò: *In un paese di montagna, ogni sera i bambini devono raccogliere la legna nel bosco*) zo übersetza azpe biar. Bazma hatt übarsetzt mochtma zulesan o zoa auzonemmmaz pittn telefonì odar pinn computer. 'Z iz gántz dëstar ma, azma velt, makma auzstraichan in velar un hevan bidar å. An toal vo bazta bart khemmen augilest makmaz lesan un höarn atti websait o. Sa schiar 500 laüt hâmsa gitânt un soinda khent augilest meararar baz 30.000 date ma bi mearar laüt 'z tüanz, bi pezzar 'z barta auzkhemmen di arbat. Zo bizzasan mearar tüat schraim att vinko@ateneo.univr.it odar schraim nützante di post vo Facebook o.

E.v.K.



ARTICOLO NELLA VARIANTE CIMBRA DELLE VALLI DEL LENO

Zimbar börtar

Come scrisse l'abate Beda Weber nel 1853, gli abitanti delle Valli del Leno (Laimpachteldar) hanno nel loro dialetto moltissime parole tedesche ossia cimbri. Ancora oggi è così, come testimoniano i vocaboli cimbri presenti nel dialetto attuale a Laim (Terragnolo), Prânttal (Vallarsa) e Trumelays (Trambileno), molti di questi identici o simili al cimbro di Lusérn. Ecco alcuni esempi:

Nèt alle bissan, ke no haützotage vil börtar in gerèda von di laimar un di prânttalar in di Laimpachteldar soinda geläich odar squalse, ats Lusérn. Lesan biar dà eppara baispli:

salamandra = ekklstortz (L Lusérn); eckestrazza (Lpt Laimpachteldar)	pepe = fèffar (L); gefar (Lpt)
betulla = pirch (L); piérke (Lpt)	semolino = griatz (L); griez (Lpt)
capra = goaz (L); goaz (Lpt)	minestra = supp (L); supa (Lpt)
capretto = khitz (L); ghiz (Lpt)	padella = fânn (L); fanna (Lpt)
gue = oks (L); oks (Lpt)	arcolaio = haspl (L); áspio (Lpt)
conacchia = kra (L); kra (Lpt)	cantina = khèldar (L); keldar (Lpt)
crociere = krosnobl (L); krosnobel (Lpt)	lastricato = flôstar (L); flôster (Lpt)
piantaggine = vedrach (L); bedräko (Lpt)	cancello = gattar (L); gatter (Lpt)
felce = far (L); far (Lpt)	altalena = rait (L); râitena (Lpt)
sorbo = muasesch (L); moseisse (Lpt)	malato = krâñkh (L); kronko (Lpt)
orzo = gerst (L); gerste (Lpt)	nipote = nètza (L); neza (Lpt)
cresta di gallo = khlapf (L); klaff (Lpt)	camicia = foat (L); pfapt (Lpt)
ortica = ezzi (L); nezela (Lpt)	camicetta = pluss (L); plus (Lpt)
lampone = henneper (L); enneper (Lpt)	pantalon = pruach (L); pluach (Lpt)
pipistrello = fluttarmaus (L); flottermau (Lpt)	

Biar mochan haltn lente unsar zimbar gerèda!

Prof. DDr. Hugo-Daniel Stoffella vulgo Menlo